

Taartaagallartussamik aningaasaqarnermik suliaqartoq/Controller Ilisimatuarfimmu

Atuisunik sullissiffiusumi naatsorsuuserinermik aningaasaqarnermillu suliaqarusuppit? Taamaappat Ilisimatusarfiup naatsorsuuserivia ilinnut naleqqutissaaq. Aningaasaqarnermik naatsorsuuserinermillu suliaqarnitsinnik pitsanngorsaarusuppugut taamaattumillu naatsorsuuserinermut immikkoortortaqarfitsinnut naatsorsuuserinermik/controlleriunermik misilittagaqarluartumik pissarsiorpugut.

Assigiinngisitaarluartunik suliamullu tunngatillugu inuttullu soqutiginarluartunik suliassaqartassatit. Naatsorsuuserifimmi maanna pingasuulluta sulivugut, tunniusimalluartaullutalu naatsorsuuserinermut pisortaq. Pikkorissumik piimassuseqarluartumillu aamma atuisartunik sullissilluarnissamut piareersimasumik suleqatitaarusuppugut. Naatsorsuutigaarput illittaaq suliaqarninni suleqatinnik siunnersiullaqqissuussasutit taamaalilluta suleqatigiilluta naatsorsuuserifik ilorraap tungaanut ineriartortittuarsinnaaniassagatsigu.

Suliassatit ukuunerussapput:

- Aningaasartuutit misissuinerit aamma aqutsisunut, immikkoortortanut ilisimatusarfinnullu nalunaaruserit
- Naatsorsuuserifiup Ilisimatusarfimmi suleqatigisartagaani siunnersuineq
- Ilisimatusarfiup ukununga tunngatillugu ulluinnarni aningaasaqarnerinik nakkutilliillunilu malittarinninneq
 - Missingersuuserineq naatsorsuuserinermi
 - Naatsorsuuserinermi bilaginit tamanik nalunaarsuillunilu allattuineq
 - Ilaatigut akissarsianik aningaasanillu tigoriaannarnik naligiissaarinermi suliassat
 - Suliniutinik aqutsineq, ilaatigut tamatuminnga malittarinnillunilu nakkutilliineq

Taakkua saniatigut naatsorsuutigaarput ukuninnga suliaqartassasutit:

- Suleriutsinik nakkutilliineq allaffissornikkullu periutsinik inerisaajuarneq piuartitsinerlu
- Suliassat tamalaat naatsorsuuserinermut aningaasaqarnermullu tunngassutillit

Naatsorsuuseriviup suliassaanik tamanik misissuipallassinnaasariaqarputit naatsorsuuserivimmiullu peqatigalugit immikkoortortap suliannut tamanut aaqqiissutissanik ataqatigiissaareqataasinnaasariaqarlutit. Taakkua saniatigut illit nammineq akisussaaffigisassannik tunineqarumaarputit.

Ukuninnga piginnaasaqarnissat kissaatiginarpoq:

- AU-mik, HD-mik imaluunniit ilinniakkamik naleqquttumik allamik aningaasaqarnermut naatsorsuusiornermullu tunngasumik ilinniagaqarsimaneq.
- Naatsorsuusiornermik aningaasaqarnermillu aqutsinermik misilittagaqarneq.
- Ataqtigiisumik aaqqissuussisinnaaneq, tamakkiisumik isiginnissinnaaneq, peqqissaartuuneq akisussaaffimillu tiguisinnaaneq.
- Suleqatikkuminartuuneq oqaloqatikkuminartuunerlu – suleqatinut ilisimatusarfiullu avataaneersunut
- Pisortat aningaasaqarnermut systemiinik allaffissornermilu it-systeminik allanik ilisimasaqarneq
- Excelimik atuilluarsinnaaneq
- Attaveqarluarsinnaaneq allatatigut oqalunnikkullu
- Projektstyringssysteminik atuinermik misilittagaqarneq
- Kiffartuussilluarusuttuuneq
- Ulluinnarni suliassanik allanngorartuartunik sulinissamut piginnaasaqarneq
- Piginnaasatigut ilisimasatigullu ineriartortuarnissamik soqutigisaqarneq
- Sulisinnaassuseqarluarneq
- Marluinnik oqaaseqarnissaq (kalaallisut qallunaatullu) kissaatiginarpoq, tuluttoorsinnaanerlu kissaatiginarpoq.
- Aningaasaqarnermut naatsorsuutinullu tunngasunik suliassanik takkuttartunik (Ad Hoc) suliaqarsinnaaneq.

Kiisalu kissaatiginarpoq marluinnik oqaaseqartuunissat (kalaallisut qallunaatullu), aamma tuluttut oqalussinnaallutillu allassinnaanissat, nunanit tamalaaneersunik suleqateqartaratta nunallu tamalaat akornanni suliniutinut arlalinnut peqataasaratta.

Neqeroorutigaaavut:

- Suliatigut ineriartornissamut periarfissaqarneq
- Suliassat assigiinngisitaarluartut
- Suleqatit pikkorissut, qiimasut piginnaasaqarluartullu persuarsiorpalaartuunngitsumik pissusillit.

- Atorfiup suliassartaanut sunniuteqarsinnaaneq
- Susassaqrifiup iluani ineriartorsinnaaneq
- Suliffik ineriartorfiusoq

Aningaasaqarnermik suliaqartutut/Controlleritut atorfik piaartumik isumaqatigiissuteqarnikkulluunniit inuttalerneqassaaq.

Attavigisassat/ilisimatitsissutit:

Atorfik pillugu sukumiinerusumik paasisaqarusukkuit, tikilluaqquneqarputit Aningaasaqarnermut pisortamut Svend Lynge Larsen-imut saaffiginneqqullutit oqarasuaammut +299 347322-imut.

Ilisimatusarfik pillugu paasisaqarnerorusukkuit paasissutissat allat atuarsinnaavatit uunga iserlutit www.uni.gl

Atorfinitsitsinermi periusarinerneqartoq:

Qinnuteqaat Aningaasaqarnermut pisortamut Svend Lynge Larsen-imut mailikkut nassiunneqassaaq: svl@uni.gl Sulisoqarnermut Akissarsialeriffimmullu immikkoortortamut assililillugu (kopi) nassiullugu uunga: personale@uni.gl

Qinnuteqaat nalunaaqutserneqassaaq: "aningaasaqarnermik suliaqartoq/Controller".

Qinnuteqaat kingusinnerpaamik **9. juli 2025 nal. 12:00** Ilisimatusarfimmit tiguneqareersimassaaq

Ilisimatusarfik pillugu

Ilisimatusarfik 1987-imi pilersinneqarpoq. Maannakuugallartoq ilinniarneqarsinnaasut assigiinngitsut 13-upput, taamatuttaa ilisimatusarfiup neqeroorutigai diplom-imut masterimullu saniatigut ilinniarnert. Ilisimatusarfik issittumi universitetiuvooq nunarsuup ilaani pilertortumik ineriartorfiusumi nutaanik ilisimasaqalerfiusoq nutaaliorfiusorlu. Siulersuisut tassaapput ilisimatusarfiup qullersai. Ulluinnarni aqutsineq rektorimit direktørimillu ingerlanneqarpoq. Instituttit sisamaasut Instituttini Siunnersuisoqatigiinnit siunnersorneqartumik siulersorneqarput.

Ilisimatusarfik sisamanik instituteqarpoq:

- *Ilinniartitsinermik Ilisimatusarfik*
- *Inuiaqatigiilerinermik, Aningaasaqarnermik Tusagassiornermillu Ilisimatusarfik*
- *Kulturimik, Oqaatsinik Oqaluttuarisaanermillu Ilisimatusarfik*
- *Peqqissaanermik Pinngortitamillu Ilisimatusarfik*

Allaffissornikkut aqutsisoqatigiiffik pillugu

Allaffissornikkut aqutsisoqatigiiffiup ilisimatusarfik tamakkerlugu sullitaraa. Ilisimatusarfiup

direktørianit aqunneqarpoq. Allaffissornikkut aqutsisoqatigiiffik Ilinniarfissuarmi Ilimmarfimmilu immikkoortortaqarpoq. Immikkoortortat faginik ingerlatsiviusunik qanimut suleqateqartarput soorlu namminneq akunnerminni aamma taamaattartut. Allaffissornikkut aqutsisoqatigiiffimmi suliaassat tassaapput: ilinniartut pillugit-, sulisut pillugit aqutsineq, Siulersuisuniik, Akademisk Rådimik kiisalu ilimmarfimmi sulisunik ilinniartunillu sullissineq. Allaffissornikkut aqutsisoqatigiiffiup Ilimmarfiup ilutaanik sanaartornermik nakkutiginninneq aamma ingerlataraa.